

Lomiczschzer auch selber behalde und das vordir nymmer vorkauffe adir an sin stad trettin lasze. Und wer ouch sache, das Gurteler dar uff icht buwin worde, das salde om Lomiczschzer widir gebin mit sampt dem haubtgelde, dar vor ers gekauft hat. Ouch hat om Lomiczschzer burgin gesaczt, dy vor dy unmundigen kinde werburgin sin sullen, das sint Hansz Wysgerber und Hansz Muldaw, dy vor ansprachen globet. Actum in consilio coram rectore consulum Francz Gerlach et sociorum eius^{b)} sabbato post post Egidy anno etc. XXIII^o.

a) alles durchgestrichen b) folgt durchgestrichen feria

377.

(1424) September 7

Capelle, Clausz Salfelt und Jost Orlen übernehmen eine Bürgschaft.

fol. 58r Wieset das Capelle, Clausz Salfelt und Jost Orlen der stad globet haben by allen iren erben und gutern, das sy dy stad schadenlosz halten wollen, sulcher schribunge und globde, alz dy stad vordir vor Cappellen von sins bruders an gefelle iren briff und globde gesaczt haben vor eyn rechte gewere. Actum feria quinta in vigilia nativitatis Marie coram rectore consulum Francz Gerlach et sociorum eius.

378.

1424 --

Nennung von Bürgermeister und Rat.

fol. 58v Acta de anno domini MCCCCXXIII^o coram rectore consulum Andreae Wetterhan et sociorum eius Lasano, Nicolao Taschen, Burgharden, Kaldenkoch, Nicolao Taschen.

379.

1424 Oktober 22

Nickel Mulner bekennt den Modus zur Erstattung einer Schuld.

fol. 58v ^{a)}Wisset das vor uns komen ist Nickel Mulner und hat bekanth, das er Hansz Tammen benemen sulle 3 ½ β gr nuwes geldes uff wynachten und dar nach uff sente Walpurgin tag 27 β. Wo er dis nicht entette und sumig worde an der bezalunge, das Tamme uff scheden gewynnen moste adir uff czinsze, dy scheden adir czinsze hat Nickel Mulner gereth zu tragen, und Tamme sulle sich erholen haubt gutes und scheden an dem erbe zu^{b)} Ceschwicz, das